

Sewε taanri woo ηa

ZHAN

wila yɔnlɔɔ ma torogo

Sewε wi nawa senre

Zhezu pitunɔ Zhan wo wila ki sewε ηa wi yɔnlɔɔ maa torogo naηa ηa paa pye na yinri Gayusi wi kan. Gayusi wila pye Zhezu Kirisi wi fɔrɔɔfɔ wa. Wee kala la jen wi wogo na, wee si kala la jen wila pye legilizi ηa ni wi wogo na. Eεn fɔ laga sewε wo ni wεge wele maga yan fɔ Zhan wi ka leele mbele torogo wa Gayusi wi yeri, Gayusi wi ma pe yigi tiyɔngɔ. Maa jen Zhan wila pye na leele torogi wa ki legilizi wi ni pe saa Yenɔle senre ti yari wa. Ma si yala, wa ki legilizi wi ni, naηa waa la pye wa, paa pye naa yinri Diyotirefu. Wila pye legilizi yekeele wo wa. Wi sila pye na leele mbele Zhan wila pye na torogi wa pe yaara woo. Wila pye na senpere yuun Zhan wi na, wo ηa wila pye legilizi yekeele pe yegefɔ we.

Zhan wila ki sewε ηa wi pye maa torogo Gayusi wi kan maa shari wi kajenɔ pyege ki kala na, konaa mbege yo wi kan fɔ wiga kaa Diyotirefu wi fɔrɔgi. Wi yen naga yenri Gayusi wi yeri ma yo wi lere ηa wi yen na kee sa sewε wi kan wi yeri wi yigi tiyɔngɔ. Ki lerefɔ pe maa wi yinri Demetiriyusi. Wo fun wi yen na tunɔgo piin we Fɔ wo kan. Sewε wi yen naga nari we na ma yo fɔ mbele fuun pe yen na tunɔgo piin we Fɔ wi kan, we daga mbaa pe yaara woo ndanlawa ni.

Sewε wi yen ma kɔɔnlɔ yege ηga na

Sewε wi lesaga senre konaa sharaga 1-4

Sewε yɔnlɔɔfɔ wi yen na Gayusi wi metanga yinri 5-8

Diyotirefu wi kambasinɔge konaa Demetiriyusi wi metanga kala 9-12

Sewε wi kɔsaga senre konaa sharaga puɔgo wogo 13-15

Sewé wîla torogo ña yeri konaa wi sharaga

1 ¹Mi ña legilizi lelee*, muwi mila ki sewé ña wi torogi na wónlɔ nana Gayusi ma kan, mboro ña màla ndanla kaselege na we.

²Na wónlɔngbɔɔ, mila Yennéle li yenri nɔɔ kaan, janggo kala li ni fuun laa yɔngɔ laa kee yege ma kan, ma koro ngbaan wa wire ti ni paa yege ñga na ma yen ngbaan yinne li ni we. ³Mila yɔgari jenge, katugu sefenne nambala pèle pan laga na yeri maga yo na kan ma yo ma yen ma sin wa kaselege ki ni, fɔ maa tanri na yala kaselege ki ni. ⁴Na mi kaga logo mbe yo na piile† paa tanri kaselege ki na, yaraga ka na nayinme kan na yeri mbe we ko na.

Gayusi wi tunngo jenge pyege kala

⁵Na wónlɔngbɔɔ, kala na fuun maa piin sefenne pe kan, ali mbele pe yen nambanmbala pe kan, ma yen tagawa ni wa ki kagala ke ni. ⁶Paa pan mɔɔ ndanlawa pi senre yo laga legilizi* wi yege na. Mi yen nɔɔ yenri fɔ ma pe saga pe tangala li na, paa yege ñga na ki yen ma Yennéle li ndanla we. ⁷Katugu pè yiri ma kari Kirisi* wi tunngo ko mege ni. Pee yenle mbaa sagawa shoo mbele pee sheri* pe yeri. ⁸Ki kala na, ki daga woro tagafenne waa ki leele

cenle pe sari, we pye pe pinleyeenle mbaa kaselege ki yari.

Diyotirefu naa Demetiriyusi kala

⁹Mi sewé wa pye jeele ma torogo legilizi wi kan ki wogo ki na. Een fɔ, Diyotirefu ña wila jaa mbe pye tagafenne pe yekelewe, wila jege na senre ti na. ¹⁰Ki kala na, na mi ka kari wa ye yeri, tipere nda fuun wila piin, na senpere naa yagbogolo ñgele fuun yuun na tari we na, mi yaa ye jateré wi tirige ti na. Ko suu bɔ bere, een fɔ, wo jate wila yenle mbe sefenne mbele pe maa paan wa pe yigi. Mbele kaa jaa mbe pe yigi, wi ma pe yege kɔn, mbe pe purɔ mbe pe wɔ wa legilizi.

¹¹Na wónlɔngbɔɔ, maga kaa ñga ki yen tipege ki fɔrɔgi. Een fɔ, ñga ki yen ma yɔn ta ko fɔrɔgi. Lere ña wi maa ñga ki yen ma yɔn ki piin, wo yen Yennéle woo. Ña wi maa tipege piin, wo si Yennéle jen.

¹²Demetiriyusi wo na, leele pe ni fuun paa wi metanga ki yinri. Kaselege jate ki maa wi metanga ki yinri†. Woro fun we maa wi metanga ki yinri, a màga jen ma yo ñga we maa yuun ki yen kaselege.

Sharaga pungo wogo

¹³Yarilegere yen na yeri mbe yo ma kan. Een fɔ, mi woro na jaa mberi yɔnlɔgɔ lankiri tɔnmɔ naa sewé yɔnlɔgɔkanngala ni. ¹⁴Mila

†1.4: *Piile*: Poro pe yen leele mbele Zhan wila Yennéle senre ti yo pe kan, a pè taga we.

†1.12 *Kaselege jate ki maa wi metanga ki yinri*: Ko kɔrɔ wo yen fɔ wi tangalɔmɔ pì yala kaselege ki ni.

3 ZHAN 1

3

3 ZHAN 1

ki sɔnri mbe sɔɔn yan sanni jenri,
kona, we yaa yo we yɛɛ ni yɔn ni.

¹⁵Yeyinŋge ki pye ma ni!

Ma wenne pɔɔn shari. Ma we
wenne pe ni fuun nunŋba nunŋba
pe shari wa we kan.